



Broj:02/1-2-11-3234-5 /2025
Breza, 20.01.2026. godine

Svim ponuđačima koji su preuzeli Tendersku dokumentaciju sa web stranice Općine Breza www.breza.gov.ba u postupku javne nabavke „Konkurs za izradu idejnog arhitektonsko-urbanističkog rješenja KOMPLEKSA BAZENA „SRC ADA“ u Brezi“

PREDMET: ODGOVOR NA PITANJE PONUĐAČA

Dana 15.01.2026.godine putem e-maila dostavljeno je sljedeće pitanje od strane potencijalnog Ponuđača:

„1. Nagrade -

U stavci 5.1. piše 'Nagrade se dodjeljuju u NETO iznosu i u njima nisu sadržani svi porezi i doprinosi na autorsko djelo i ostala zakonom propisana davanja...'

Molim potvrdite da su iznosi navedeni u 5.1. Nagrade jednaki iznosima koji se planiraju uplatiti na račun dobitnika nagrada? Ili će se skidati neki porezi sa ovih cifri prije uplate na račun dobitnika nagrada?

Pretpostavljamo da se ovo odnosi na poreze i doprinose koje autori trebaju platiti poreznoj upravi nakon što prime nagradu prilikom plaćanja godišnjih poreza.

2. Molim da potvrdite da će se obim i naknade za pružanje konsultantske usluge 'pri izradi Idejnog Projekta i Izvedbene projektne dokumentacije' pomenute u Članu 4 Ugovora o Autorskom Pravu dogovoriti prilikom sklapanja posebnog ugovora između autora pobjedničkog rada i naručioca za pomenute usluge? Odnosno da se ne podrazumijeva da će autor pružati pomenute usluge u Članu 4 bez dogovora dodatne naknade i sklapanja posebnog ugovora za iste?

3. Molim da potvrdite da će se nagrada u punom iznosu isplatiti dobitniku nagrade i u slučaju da se ne uspiju dogovoriti (odnosno sklopiti ugovor) autor nagrađenog rada i naručilac za pružanje konsultantskih usluga pri daljnjoj izradi idejnog projekta i izvedbenog projekta?

4. Što se tiče samog ugovora o Autorskom Djelu (Prilog 4), imamo sljedeća pitanja:

i. Član 2 - Molim potvrdite da li očekujete da se korekcije konkursnog rada urade prije ili poslije isplate autorskog honorara, odnosno nagrade?

ii. Član 2 - U slučaju da su sugestije Komisije opsežne i zahtijevaju više vremena za korekcije od 10 dana da se koriguje idejno rješenje, da li će se to dodatno vrijeme obezbijediti?

iii. Član 4 - Ovde bi se trebala dodati rečenica tipa: 'pod uslovom da autor i naručilac uspješno sklope poseban ugovor u kojem dogovore obim usluga i posebnu naknadu za

pružanje konsultantskih usluga pri izradi Idejnog Projekta i Izvedbene projektne dokumentacije.' Da li se slažete?

5. Član 5 – Da li se iznos za autorski honorar u članu 5 samo odnosi na iznos za nagradu za konkursni rad? Ili se ovde već očekuje da se navode i naknada za dalje pružanje usluga za idejni projekat i izvedbenih projekata itd. pomenuti u Članu 4?

Pretpostavljamo da se ovo samo odnosi na iznos za nagradu za konkursni rad. Smatramo da je prerano dati ponudu za Idejni Projekat i Izvedbeni Projekat dok se ne prihvati i ne uskladi idejno rješenje.

Potpisivanje izjava o autorskom djelu (prilog 5 i 6) nije sporno, samo nam treba pojašnjenje na pitanja iznad.“

NA POSTAVLJENO PITANJE DAJEMO SLJEDEĆI ODGOVOR:

1. Nagrade
Iznosi navedeni u 5.1. Nagrade jednaki su iznosima koji se planiraju uplatiti na račun dobitnika nagrada i neće se skidati porezi sa ovih iznosa prije uplate na račun dobitnika nagrada.
2. Za pružanje konsultantskih usluga „pri izradi Idejnog Projekta i Izvedbene projektne dokumentacije“ pomenute u Članu 4 Ugovora o Autorskom djelu nije planirano sklapanje posebnog ugovora između autora pobjedničkog rada i naručioca za pomenute usluge. Odnosno podrazumijeva se da će autor pružati pomenute usluge u Članu 4 bez dogovora dodatne naknade i bez sklapanja posebnog ugovora za iste.
3. Za pružanje konsultantskih usluga 'pri izradi Idejnog Projekta i Izvedbene projektne dokumentacije' nije planirano sklapanje posebnog ugovora između autora pobjedničkog rada i naručioca za pomenute usluge.
4. Nije planirano zaključenje posebnog ugovora za pružanje konsultantskih usluga pri izradi Idejnog Projekta i Izvedbene projektne dokumentacije.'
5. Član 5 - Iznos za autorski honorar u članu 5 odnosi se na iznos za nagradu za Konkursni rad.

S poštovanjem!

Obrađivač: Jasmina Došlić

Dostavljeno:

1x Svim ponuđačima koji su preuzeli
tendersku dokumentaciju putem web stranice
Općine Breza www.breza.gov.ba

1x Služba za prostorno uređenje, geodetske i
imovinsko-pravne odnose

1x 01/2

1x web stranica

1x Evidencija

1x a/a

Pomoćnik načelnika

Haris Nefić



Adresa: Bogumilska br.1 tel, centrala 032/786-020, 032/786-061

fax:, 032/786-041, 032/786-031

e-mail: nabavke@breza.gov.ba , www.breza.gov.ba

